

tibus duximus appendenda. Datum Magdeburgi anno domini millesimo CCCLXXX feria quarta proxima post diem beati Egidii confessoris.

Original im Staatsarchiv zu Magdeburg s. r. Kloster-Bergische Stiftung 65. Abschrift im Privilegienbuche S. 399—405 mit der Ueberschrift: Vnionis totius cleri Magdeburgensis concordia. in cap. A XVII, und im Weissen Buche S. 103—108.

1383, Februar 10.

234.

Das Kloster Berge verkauft an die Judenschaft in der Sudenburg 2 Morgen Landes diesseit des Judenkevers für 40 Mark.

Wy Iohannes von der gnade godis abbet, Iohannes prior un dat gantze capittell gemeyne des hilligen godishuses sante Iohannis baptiste to Berge vor der stad to Magdeborch bekennen in dusszem breve vor uns und vor alle unsze nakomelinge, dat wy eindrechtichliken mit willen und mit beradenem mode unszer aller rechte und redelicken hebben vorkofft Wessele Gaddzim Ganowe synem sonen, groten Iacobe, Mosszen synem schwager, Ganowkoyn lutken Gaddzym, Meygeken Mortgay van Stasforde, Davite van Goslere, synem schwager, Tonidza Ysaack sangmeister und Abraham synem sohn, Ysaac van Angermunde, Gaddzim van Lowborch, Mosseke van Calve und Keven van Borch und darna allen gemeynen joden ryken und armen, alden und jungen und oren erven und alle oren nakohmlingen und alle den juden, de des kevers bruken und darthohoren, twene morgen landes fry und eyghen ewichliken tho beholdene unden und boven, die dar liggen allernegist orem kevere tho sante Gertrude wort und hebben ohn die gegeben vor vertich mark Brandenburger sulvers Magdeburgisches gewichtes, de sie uns ful und all betalet hebben und die wy in unszes closters nut und fromen gekarth hebben dar des not was. Dussze twene morgen landes schullen ore brede hebben glick den andern morgen de dar liggen vorth an wente an den parhoff sunte Gertrude und die lenge des ackers wente an den over boven der Elve dar geve wy one tho wege und stege wur und wan ohn des not is szunder an unszem acker und korne schullen sie uns neynen schaden dohn. Dusszer twyer morgen landis und kopes wille wy one fulstan und ore rechte were weszen vor alsweme wur und wan on des noth ys. Ock love wy ohn in dusszem breve dat sie dusse twene morgen landes schullen ewichliken beholden vor aller ansprake vor uns und unszen nakomelingen van unszes gothuszes wegen. Dissze ding und kopes sin tuge her Vesze Odilien, her Albrecht van Iutterbock unsze altheren, her Iohan Knorre unsze caritaten und sangmeister, her Sander van Northeim unsze custer und perrer in dem dorpe tho sante Gertrude, und her Iohan Dorman unsze capellan und ander fromer lude genoch beide geistlich und wertlich. Tho urkunde dusszer ding dat alle dussze vorgeschreven stücke van uns und unszen nakomelingen stede und wol schullen gehalten werden, szo love wy dit den vorgenanten joden in gudem trwen und in rechter warheit tho holdene one allerley infall und argelist und wy Iohannes